


長編總檔

同治十一年
十二月



同治十一年十二月長編總檔

初一日

軍機字寄署伊犁將軍烏里雅蘇台參贊大臣
榮全前署烏里雅蘇台將軍奎昌烏里雅蘇台
參贊大臣多布沁扎木楚署烏里雅蘇台參贊
大臣志剛署烏里雅蘇台將軍科布多參贊大
臣常順署科布多參贊大臣托倫布科布多幫
辦大臣保英塔爾巴哈台參贊大臣富和

勦捕

富和奏籌畫新疆大概情形整頓邊境景廉奏錫綸需用軍火請飭烏科兩城分撥各摺片覽奏均悉富和身任參贊大臣所有塔城應辦事宜自應竭力籌畫豈得意存諉卸且該參贊與榮全同在塔城何以不會商再行入奏所陳各情於新疆大局有無裨益著榮全酌度迅速奏聞如有應與景廉咨商之處卽著彼此妥籌具奏至該署將軍參贊等同辦一事必應和衷共濟毋得各執意見額魯

特索倫官兵需用軍械馬匹著富和知照奎昌等
分撥應用錫綸前赴布倫托海募練勇丁需用軍
火著奎昌多布沁扎木楚志剛常順托倫布保英
豫為籌備以便就近撥用富和原摺著鈔給榮全
閱看

軍機字寄 欽差大臣陝甘總督一等恪靖伯

左宗棠甯夏將軍穆圖善陝西巡撫邵亨豫

左宗棠奏另籌調度情形暨官軍偪攻肅城疊獲勝

長安縣志
卷之八
仗各摺覽奏均悉西甯土客各回竄伏西川及巴

燕戎格等處窮蹙乞撫肅州踞逆亦經徐占彪疊

次猛攻偏城惟該城地廣兵單未能速合長圍卽

著左宗棠飭令徐占彪就見有兵勇穩慎以圖一

面派勁旅併力進攻金順刻下計早抵肅西川等

處乞撫回眾著妥籌辦理毋稍疏虞該大臣以兵

力不敷請飭曹克忠赴甘助剿卽著邵亨豫傳知

曹克忠於交卸後迅赴蘭州聽候左宗棠調遣穆

圖善當懍遵疊次諭旨扼紮平涼固原一帶以為
甘省後路聲援毋得逗遛西安省城

軍機字寄 欽差大臣陝甘總督一等恪靖伯

左宗棠烏魯木齊都統景廉哈密辦事大臣文
麟前烏里雅蘇台將軍金順

景廉奏西路營弁盤獲悍回揆出文信一摺回逆反
覆無常並約會官軍為伊復仇尤為詭譎著景廉
飭令駐古各統領勤加偵探慎守營壘不得輕率

進兵致為所愚妄逆欲約西甯回逆出關尤當嚴
加防範著左宗棠文麟多派兵弁於關內外地方
隨時確探毋令潛通消息金順見在行抵何處著
懍遵疊次諭旨迅速兼程前赴肅州與徐占彪一
軍會合力拔堅城並派員弁梭巡各關隘毋令內
地回逆出關勾結為患

初三日

劉長佑奏請以達三接署廣西右江鎮篆

硃批

照所請

又奏請以謝榮照署理廣西臬司

知道了

月摺

曹克忠奏遵保勦撫潰勇出力員弁勇丁開單
請獎

軍機字寄 欽差大臣陝甘總督一等恪靖伯
左宗棠陝西巡撫邵亨豫

勦捕

茲據該提督所保各員弁共有數百員之多殊不足

以昭覈實著與另片保奏之營官委員等均由邵
亨豫就近確切查明另行覈實酌量保奏再予恩
施在營病故之參將喻正祥等應否給予卹典亦
著邵亨豫查明具奏副將等缺曹克忠何得自行
揀員請補所有甘肅中衛協副將各缺著左宗棠
查明合例人員請補以符體制並著邵亨豫傳知
曹克忠迅卽馳赴蘭州聽候左宗棠調遣曹克忠
摺片單著分別鈔給左宗棠邵亨豫閱看

劉長佑馮子材奏勦捕沿邊各屬土匪情形

軍機字寄廣西巡撫劉長佑廣西提督馮子材

廣西岑溪等處土匪疊經各路兵勇會同地方官將
首要各逆拏獲斬馘多名勦辦尚屬認真仍著劉
長佑等督飭各路兵勇及各該地方文武將逃竄
餘匪悉數勦除並將善後事宜妥為籌辦所有此
次出力官紳准其先行存記彙案酌保至沿邊關
禁廢弛已久覃遠璉所帶營勇計將到防劉長佑

長江紀略
等務當督飭該道修整隘口查拏匪徒庶內奸外
寇不致勾結為患

初四日

邵亨豫奏花翎遊擊蕭有發呈請復姓歸宗楊

氏請飭部更正

兵部知道

初五日

穆圖善邵亨豫奏會商移師扼要駐紮

月摺

硃批

月摺

勦捕

軍機字寄 欽差大臣陝甘總督一等恪靖伯

左宗棠甯夏將軍穆圖善陝西巡撫邵亨豫

穆圖善見已回邠著卽趕緊部署統率各營移紮涇州與雷正綰魏光燾兩軍聯絡聲勢互相應援涇州與長武等處接壤時有潰勇游匪出沒該將軍當隨時查拏認真勦辦左宗棠邵亨豫亦當飭令各路官軍協力防勦劉盛藻接統銘軍自應妥籌布置著邵亨豫飭令該臬司於所統各營勇丁妥

為駕馭母任滋生事端

初六日

李鶴年奏請以羅大春等署理提鎮各篆

月摺

硃批

知道了

初七日

李鴻章奏覆陳畿輔邊境布置情形

月摺

軍機字寄大學士直隸總督一等肅毅伯李鴻

章

勦捕

直隸邊防據李鴻章奏稱北路兵力稍單見擬添營
分布所籌均尚周妥卽著該督隨時相機調度毋
得稍涉疏懈另片奏宋慶一軍請暫緩西進等語
甘肅攻勦喫緊需兵甚殷宋慶一軍昨已諭令開
正赴甘助勦矣

初八日

月摺

王文韶奏叅庸劣將弁

上諭

旨鈔存

月摺

硃批

上諭

張廷岳阿爾塔什達奏請將保全庫倫出力案

內部駁各員弁仍懇逾格優獎

照所請

初九日

常恩奏患病未痊請開缺調理常恩賞假一箇月調理毋庸開缺

前據喬松年奏遵議黃運兩河情形並籌堵運河各摺片當經諭令文彬丁寶楨妥議具奏茲據奏稱

遵議黃河穿運請仍挽復淮徐故道著軍機大臣
會同六部九卿與喬松年前奏各摺片一併妥議
具奏

月摺

上諭

施作霖著加恩予諡

奎昌等奏蒙兵擊勦竄匪獲勝擬請分別獎卹

旨鈔存

月摺

又奏請將打仗陣亡官兵議卹

硃批

照所請

又奏叅管隊不力各員請予懲處

照所請

杜嘎爾奏請將倭仁阿擬補佐領等缺

均依擬補授

都興阿等奏城守尉奕艾懇請入覲

著來見

丁寶楨奏遵將河工保獎案內出力各員另覈

請獎

該部議奏

楊昌濬奏請以陸建中等承襲世職

兵部議奏

又奏請將歷次陣亡傷故文武官弁於台州府城建立忠義祠列入祀典

照所請

又奏請將協緝乖謬之參將潘高陞先行革職

長江紅樓
照所請

又奏道員姚丙禧力竭陣亡懇請優卹建祠

照所請

初十日

上諭

吳鳳藻奏確訪本籍殉難紳民開單懇請旌卹一摺
該御史籍隸浙江見聞較確所有單開之錢塘縣
舉人金曰頊等著該部查明除業經得有旌卹外
餘均照例分別旌卹並准其自行捐建專祠其高

月摺

硃批

貳山高謦二名並交部從優議卹

奕榕載耀奏請以春淩署理三姓副都統

知道了

丁寶楨奏訪獲戕害僧親王之逆匪審明正法
並請將出力員弁分別優敘

賈宗江等均照所請獎勵長賡交部從優議卹

曹克忠奏臬司劉盛藻到防接統淮軍

知道了

廷寄

軍機字寄河南巡撫錢鼎銘

有人奏河南署光州知州劉慶恩縱盜虐民肥己罔
上等語著錢鼎銘按照所叅各節確切訪查據實
叅奏原片著鈔給閱看

十二日

月摺
李鴻章奏總兵徐道奎等前在軍營打仗受傷
請免其騎射

硃批

照所請

又奏總兵周鵬飛等請復姓歸宗

照所請

又奏知府李興銳請免令坐補原缺以道員歸

直隸補用

吏部議奏

又奏遵將部駁歷次保獎案內出力各員查明

覆奏懇請飭部更正

該部議奏

月摺

上諭

十三日

恩麟奏大臣移文違例逼索關防

德泰奏與大臣意見未合據實具陳

茲據恩麟奏德泰逼索關防請旨遵行德泰奏恩麟
意見未合照繕移會文稿呈覽各一摺德泰於特
飭恩麟諭旨謬為講解催令恩麟將關防等件剋
日移交起程回京實屬庸妄糊塗不勝幫辦之任
德泰著革職卽行回旗

十四日

上諭

月摺

硃批

福州將軍文煜加恩在紫禁城騎馬

張樹聲奏請以應寶時等署理藩臬各篆

知道了

錢鼎銘奏請將緝捕尤為出力各員獎勵

該部議奏

喻俊明奏懇請入覲

著來見

馬江紅欄

十五日

月摺

英翰奏遵保勦辦皖豫匪徒出力員弁

上諭

旨鈔存

十六日

月摺

魁玉吳棠奏遵保拏獲糾眾滋事匪徒並疊次

勦匪出力員弁

上諭

旨鈔存

軍機字寄大學士直隸總督一等肅毅伯李鴻

廷寄

章署兩江總督漕運總督張樹聲浙江巡撫楊
昌濬傳諭署江蘇巡撫布政使恩錫

延煦畢道遠奏撥運白糧積久弊生請旨變通一摺
據稱江浙白糧到津向雇民船撥運近來弊竇叢
生本年竟有全船沈失船戶潛逃情事莫若由江
浙糧道一手經理等語著卽照所請辦理卽著張
樹聲恩錫楊昌濬飭知該各糧道來歲白糧抵津
卽自雇民船撥運赴通無庸在津候驗並著李鴻

馬細細欄
章飭令津道嚴禁諸色人等從中阻撓此外起運
押運事宜及應用委員均由各該糧道隨宜辦理
原摺著鈔給閱看

十七日

月摺
左宗棠奏遵將盪平金積堡案內出力人員另
覈請獎

硃批

該部議奏

又奏道員張玉文稟請更名張劉文請飭部更

正

照所請

月摺

又奏請將遣戍新疆之已革提督田興恕釋令

回籍

軍機字寄 欽差大臣陝甘總督一等恪靖伯

左宗棠湖廣總督李瀚章湖南巡撫王文韶

廷寄

田興恕著加恩准其釋令回籍到籍後著李瀚章王文韶飭令地方官嚴加管束如再任性妄為不安

上諭

本分必當從嚴懲辦毋謂寬典可倖邀也

十八日

內閣學士黃鈺奏續訪本籍殉難紳民暨帶團禦賊
全家殉難之紳士分別懇請旌卹各摺片所有單
開文童之劉恆海等廩生黃先登等著該部查明
除業經得有卹典外餘均分別照例旌卹黃先登
等及各該家屬並准於本籍死事地方自行捐建
專祠立坊以彰忠節

勦捕

軍機字寄署伊犁將軍烏里雅蘇台參贊大臣
榮全烏魯木齊都統景廉

總理各國事務衙門奏續與俄使辯論情形一摺俄
人代收伊犁一事經王大臣等與之辯論該使臣
總持先議後交之說一味狡展似此情形斷非空
言所能有濟必須中國兵力杜其覬覦之漸著榮
全就見有兵力妥為布置再與景廉彼此聯絡進
復烏魯木齊勿使該國續有占越庶可挽回大局

卽著該署將軍都統設法進取勿得坐失機宜原摺均著鈔給閱看

十九日

月摺

內務府奏端門樓庫軍械查有失竊情事

上諭

禁門重地斷非外來竊賊所能溷迹更難保無監守自盜情形著前鋒統領護軍統領查明此次撬門失於看守之值班官兵等送交刑部嚴行審問該管前鋒統領護軍統領失於覺察著交部議處嗣

上諭

後應如何嚴密巡查看守之處卽著前鋒統領護軍統領妥議章程奏明辦理

二十日

湖北提督李長樂補授

吳鴻恩奏京師竊案日多請飭整頓捕務等語京師為輦轂重地豈容宵小肆行若如該御史所奏近來竊案層見疊出實屬不成事體著步軍統領衙門五城御史嚴飭所屬認真查拏毋得視為具文

月摺

定安奏請將才能出衆勞績最優人員獎勵

上諭

旨鈔存

又奏遵保嵩毅兩軍勦辦通昌等處賊圩出力

員弁

旨鈔存

二十一日

月摺

庫克吉泰奏請以郭勒敏布署理八溝理事司

員

硃批

該衙門知道

月摺

二十二日

邵亨豫奏臬司劉盛藻接統銘軍並遣散潰勇

情形

硃批

知道了

二十三日

李瀚章郭柏蔭奏叅庸劣不職各員

月摺

上諭

旨鈔存

長江紅樓
定安奏舊疾復發懇准開缺回旗調理

定安著賞假兩箇月調理毋庸開缺遇有軍務緊要
事件仍著照常經理

月摺

又奏提督張曜病痊呈請銷假

硃批

知道了

吳棠奏遵將歷年辦理團防出力官紳另覈請
獎

吏部議奏

二十四日

月摺

王文韶奏請將在籍不安本分之副將革職

硃批

殷南昌著卽行革職嚴訊按律懲辦

又奏請以卽補道劉鼎合併兼襲世職

兵部議奏

月摺

吳棠奏密保人材以備任使

又奏密陳堪勝監司大員

二十五日

月摺

硃批

李瀚章奏請以劉嘉林等承襲世職

兵部議奏

又奏陣亡從九品陳良臣死事最烈請准於原籍地方捐建專祠

照所請

又奏請將打仗受傷之提督丁長春等免其騎射

照所請

奕榕載耀奏請將曠誤倉庫值班官弁交部議處

成貴隆海均交部議處

劉嶽昭奏遵將攻克大東溝等處賊巢保獎出力各員查明詳晰覆奏

吏部議奏

又奏請以麟志等署理總兵各缺

知道了

長江集
又奏請以許繼衡署理迤南道篆

知道了

又奏攻克大東溝案內保奏之彭文鐸官銜錯誤懇請改獎

吏部議奏

又奏攻克大東溝案內保奏之吳永馥等銜名錯誤請飭部更正

吏部知道

岑毓英奏請將已革知州李湘夢開復原官畱
滇補用

吏部議奏

又奏請將夏廷燮畱於雲南遇有同知直隸州
缺出酌量補用

吏部議奏

又奏請將已革同知溥斌開復原官仍畱滇補
用

吏部議奏

又奏攜印赴營

知道了

劉嶽昭奏官軍進攻順甯籌辦餉需情形

岑毓英奏進攻大理等處情形

軍機字寄雲貴總督劉嶽昭雲南巡撫岑毓英

覽奏均悉前諭提督馬如龍統帶所部馳赴雲州一

帶力籌攻克見在該提督已派副將馬青雲等帶

勦捕

隊進勦第兵行糧隨自應趕緊籌畫著劉嶽昭設
法籌撥俾全軍得以剋日起程刻下大理攻勦正
緊順甯雲州等處必須同時進攻著劉嶽昭傳諭
馬如龍部署齊備卽行拔隊前進大理城中守備
甚嚴相持未下岑毓英已派頭隊兵勇馳赴下關
接應該撫亦卽親赴前營督勦務當相機籌辦方
免疏虞所有歷次打仗陣亡之遊擊魯國祥都司
安根高銳千總劉玉尹占先在營病故之把總莊

南華均交部從優議卹

二十六日

上諭

甘肅蘭州道魏喻義補授

左宗棠奏總兵懇請開缺回籍省親一摺甘肅西甯鎮總兵黃武賢著准其開缺遺缺何作霖補授

月摺

左宗棠奏餉鞘渡河沈失請將管解委員議處

上諭

同知吳人壽管解不慎咎無可辭著交部議處

李瀚章奏密陳賢能之司道以備採擇

月摺

錢鼎銘奏勦除股匪出力之武弁請仍照原保

獎敘

硃批

崔廷桂等均照原保獎勵

軍機字寄 欽差大臣陝甘總督一等恪靖伯

左宗棠

勦捕

左宗棠奏官軍勦擊肅逆疊獲勝仗暨西甯土客回
目乞撫見在辦理情形各摺片肅州回逆因踞孤
城疊次出撲官軍營盤經徐占彪等奮勇擊退惟

城中悍賊甚多允宜穩慎進取金順一軍計期已
應到肅卽著左宗棠飭令徐占彪會同金順迅圖
攻拔以竟全功西甯土客各回呈檄馬匹槍械紛
紛乞撫並著飭令劉錦棠等妥為辦理毋稍疏虞
另片奏久病未痊請特簡賢能等語該大臣辦理
甘肅軍務宣力數年地方漸就肅清大功不日告
竣嗣後一切善後事宜及吏治民生正賴該大臣
悉心籌度豈可遽萌退志左宗棠著賞假一箇月

安心調理河州肅州軍情仍著隨時詳細具奏

二十七日

丁寶楨奏請將庸劣各員分別懲辦

月摺

上諭

旨鈔存

月摺

又奏請將催徵錢糧尤為出力之知縣劉嘉幹

從優獎勵

硃批

吏部議奏

又奏請將搶險落水致病身故之守備優卹

長安縣志
劉秦交部照軍營傷亡例從優議卹

英翰奏彙報陣亡殉難官紳人等及軍營病故
各員請分別議卹

李鴻等均照所請交部分別旌卹

又奏請以吉昌署理安慶營副將

知道了

二十八日

游百川奏黃運並治關繫至重宜詳籌妥辦

上諭

著軍機大臣會同六部九卿與喬松年等前奏各摺

片一併妥議具奏

月摺

庫克吉泰奏熱河馬步練軍及地方文武鄉社

蒙旗疊次勦捕賊匪出力可否擇尤保獎

硃批

准其擇尤酌保毋許冒濫

軍機字寄熱河都統庫克吉泰

廷寄

庫克吉泰奏圍內頑佃聚眾抗官請將辦理不善官

弁懲處一摺著庫克吉泰嚴飭圍場總管並該地

月摺

方官多派官兵迅將抗官為首人犯悉數拏獲按
律懲治署翼長伊克坦布豐伸泰防禦富祥安泰
未能認真驅逐殊屬恒怯無能均著暫行革職以
示懲儆所有騰圍各事宜該都統務當妥籌辦理
毋任滋生事端

成祿奏馳抵安敦揔捕賊匪籌辦軍糧情形

又奏李天和所部暫難前進

又奏肅甘等處軍情

勅捕

軍機字寄 欽差大臣陝甘總督一等恪靖伯

左宗棠四川總督吳棠湖廣總督李瀚章湖北

巡撫郭柏蔭陝西巡撫邵亨豫烏魯木齊都統

景廉哈密辦事大臣文麟烏魯木齊提督成祿

覽奏均悉安敦玉地方見無賊蹤並招募戶民酌發

籽種舉辦屯田所需銀兩卽著咨商景廉文麟於

解到新疆協餉內酌量提撥以應要需該處民情

困苦該提督務當加意撫綏無令失所據奏採買

之糧僅敷一冬支發軍士枵腹堪虞著左宗棠嚴飭甘涼安肅各地方官務須寬籌糧石源源轉運該軍既經出關餉需尤不可緩著吳棠李瀚章郭柏蔭邵亨豫趕緊籌撥按數解交西征糧臺陸續運送出關毋稍延誤前諭成祿催令李天和所部三營馳赴景廉軍營調遣茲據奏稱見在天氣嚴寒勢難強令前進等語景廉軍營兵力單薄亟應添軍助剿轉瞬春融軍行即可無阻著成祿卽飭

李天和整軍前進毋得藉端逗遛肅州之賊負隅
日久見經左宗棠添派陶茂林等營歸徐占彪調
遣金順一軍計期已應到肅此後軍事可期得手
成祿惟當督飭各營嚴防賊匪出關毋稍鬆懈遇
賊被害之吏目希祥交部照陣亡例議卹

二十九日

上諭

太常寺少卿慶福聲音洪亮加恩賞戴花翎

月摺

榮全奏蒙員續捐軍餉擬請優獎

硃批

多布沁扎木楚應得獎敘該衙門議奏

軍機字寄署伊犁將軍烏里雅蘇台參贊大臣
榮全前署烏里雅蘇台將軍奎昌署烏里雅蘇
台將軍科布多參贊大臣常順烏里雅蘇台參
贊大臣多布沁扎木楚署烏里雅蘇台參贊大
臣志剛察哈爾副都統杜嘎爾

榮全奏請飭調撥官兵等語據稱探聞瑪納斯逆首
有糾合二千餘人先擾民團後撲官軍之謠又聞

俄兵五六百名由伊犁欲赴西湖恐有進取瑪納斯之意著榮全飭令該護軍參領等穩慎扼紮妥為防範前據奎昌等奏該城軍情喫緊請將福珠哩所部吉林馬隊就近調撥當諭杜嘎爾飭令迅速進發俟行抵烏城後准奎昌等暫畱防勦福珠哩一軍卽著杜嘎爾檄令剋日進發逕赴榮全軍營不准稍涉遲滯奎昌等亦不得再行截畱致誤事機其烏境逆匪見竄何處著奎昌等嚴飭達爾

長江紅樓
濟實力截勦就地殲除

三十日

月摺

曾璧光奏查明黔省歷年陣亡殉難文武官紳

兵勇請分別議卹

硃批

王定邦等均交部分別旌卹

